




說略卷之二十四

諸志



今人看街坊雜戲場曰社夥蓋南宋遺風也宋之百戲皆以社名如雜劇曰緋綠社蹴毬曰齊雲社唱賺曰遏雲社行院曰翠錦社撮弄曰雲機社之類詳見武林舊事夥者說文多也方言凡物盛而多也或作社火言如火然一烘卽過也宋之鼓板曰衙前一火和雇二火是也又逐賊被獲全火見宋乾德詔中

說略

卷之二十四

一

弇州贈李釜文曰博物志云堯造圍碁丹朱善之彼王中郎之坐隱支道人之手談雅語也尹文子之喻音劉中壘之兵法正語也杜夫子之禪聖教班蘭臺之象地則效天文通王道夸語也蓋孔子之謂賢於飽食終日者而已所謂小道可觀致遠恐泥者也乃若奕之有品啓自劉宋盛於秦始至宰相論評人主制決噫亦盛矣孟氏有言奕秋通國之善奕者也又杜夫子在西京爲天下第一而吳錄稱嚴子卿碁與皇象書趙達數爲吳中八絕又抱朴子云嚴子卿馬

綏明聖於碁者也然則四人者其最上品乎當漢末有馮翊山子道王九真郭豐善奕曹太祖皆與爭能孟德既未琅然諸君復遇敵手殆難乎上者矣晉氏之季王敬豫與濟陽江霏俱爲中興第一竊謂士大夫之第一猶之王僧虔之稱齊高帝書云爾而是時北燕羅騰字叔龍者究盡其妙獨步當時俄而北平樂抄字少攜者出而與齊要之其猶在敬豫與霏上哉宋文既好此伎而羊玄保以賭得宣城郡士林豔之然其品第三不知誰當爲第一者吳郡褚胤七歲

說略

卷之二十四

二

入高品及長冠絕當時坐從父崇期反累死何尚之特以絕藝爲請不得胤不死意者其胤乎湘東素亦偏嗜等於鱖魷然爲品甚拙而受識甚闇是時用建安王休仁爲圍碁大中正品彭城王抗第一會稽褚思莊夏赤松次之抗神速思莊巧遲抗取勢赤松鬪子此所以小異也然是時魏有范甯兒偕使者李彪來一戰而勝王抗甯兒亦第一品也梁武帝素工奕奕在能品用湘東例命到溉朱异司其凡而沈約爲之序大抵宋之徐羨之羊玄保何尚之齊之蕭曄子

良柳世隆憚及溉異輩亦僅士大夫錚錚者耳唐之奕以開元王積薪爲第一然所謂孤山老姥婦姑者當遠据其上又有待詔滑能品最高至爲上帝所取顧師言者不甚著記謂其在大中初行子至三十三著勝神頭國王一曰日本國王第所謂鎮神頭勢今尚在然則能與思言亦第一品也宋興繼積薪而品高者爲江右劉仲甫積薪之時有李憨角仲甫時有王憨子角然李憨見輕而王憨見忌最後三衢祝不疑高仲甫一道許河東晉士明高仲甫兩道許而劉

說略

卷之二十四

三

氏之袒廢矣明興江陰相子先稱國手郵人樓得達勝之又有一游僧亦勝之正德中宰揆之地如李文正東陽楊文襄一清喬莊簡宇諸公皆好奕而四明范洪重洪之後永嘉鮑一中重鮑生晚不及與洪角而格勝之文襄呼鮑小友爲延譽江淮間而其郡李冲晚出遂與鮑雁行周源又晚出於李徐希聖又晚出於周惜早死皆駸駸角鮑者也此所謂永嘉派也婺汪曙不及鮑者一子程汝亮晚出勝之而亦蚤死此所謂徽派也顏倫善決局不差一道足跡徧天下

無能當者而李畚時養晚出遂與之角倫護名不復肯應乃游吳中此所謂京師派也今後進中閩有陳生蔡生越有岑生揚有方生鼎立而蔡與岑尤張甚皆未可量也始永嘉守修郡志志伎藝曰鮑一中奕品第一李沖次之沖意不樂遂罷不復志而最後沖且老矣與畚戰大敗數避匿程汝亮之遇畚一再北遂爲勁敵云

弇州又有云問段柯古所載鳩摩羅什爲人奕起子空處皆作龍鳳形信乎曰其人奕品下至八九道或說略

卷之二十四

四

可誘而成耳不然什公亦姑幻障人耳目無是理也問顧思言三十三著而勝神頭王信乎曰一說日本王也奕至三十三著而決勝所謂通神者也其猶在坐照上乎師言於品不登第一而攷之史古未有神頭國而日本王由來不入朝將無好事者爲此勢以附會其說乎未可必也問孤山老姥之說信乎曰或有之然非積薪自神也好事者假神而抑積薪之語也所謂指示以攻守劫殺之方甚略曰是子可教以常勢耳其抑積薪可見也問一行於張燕公宅見積

薪奕遂與之爲敵且曰念貧道四句乘除語人人盡爲國手信乎曰有之一行神於數者也神於數則可以觸類其曰四語乘除人人國手非也問陸子靜一悟河圖數而勝國手信乎曰其徒假一行事而神其師之語也子靜奕品甚下今不觀其遺文若葛藤而胡以能悟也問范甯兒之勝王抗信乎曰有之抗重而甯微也甯兒以有心待抗而抗以無心待甯兒猶之乎司馬仲達之於孔明也且此一局耳未可定也問滑能之事信乎曰能暴死耳奕者之神其說也是

說略

卷之二十四

五

天人者勝能而何又假能也問王質爛柯之說信乎曰不然也堯至今三千六百年耳度不能十局也則爲神仙者曷壽焉問劉仲甫之高王積薪兩道也祝不疑之高仲甫一道也晉士明之高仲甫兩道也信乎曰果爾則積薪而上有四道矣仲甫之高積薪也其持論也自爲高者也不疑士明之高仲甫也乘取者也二子用壯而仲甫用衰也問王粲陸瓊之覆局信乎高品哉曰惟仲甫與顏倫亦能之此善記者也非與於品者也問孟堅之有旨也應璩之有勢也馬

融曹攄王粲劉恢蔡洪梁宣之有賦也李尤之有銘也高品哉曰唯永嘉林生有集焉而品第五也此工於文者也非與於品者也

聲譜云陸博采名也魏陳思王曹子建製雙陸局置骰子二至唐末有葉子之戲未知誰置遂加骰子至于六按世本烏曹始置六博之戲乃行十二棋者博物志老子度函谷關置樗蒲戲俱曰博李氏資暇按諸家子書骰子合作投子投擲之義今作骰子字非史記蔡澤說范雎曰博者欲大投裴駟注云投投子

說略

卷之二十四

六

也乃投擲之義是樗蒲盧雉犢曰五木骰子也潘氏記閒譚曰骰子飾四以朱者因玄宗與貴妃采戰將北唯重四可轉敗爲勝上擲而連呼叱之骰子宛轉良久而成重四上大悅命將軍高力士賜四緋也

蹴鞠黃帝蹴兵勢所以練武士西京雜記云漢元帝好蹴鞠以蹴鞠爲勞求相類而不勞者遂爲彈棊之戲予觀彈棊絕不類蹴鞠頗與擊鞠相近疑是傳寫誤耳唐薛嵩好蹴鞠劉綱勸止之曰爲樂甚衆何必乘危邀頃刻之歡此亦擊鞠唐書誤述爲蹴鞠彈棊

今人罕爲之有譜一卷蓋唐人所爲其局方二尺中心高如覆盂其巔爲小壺四角微隆起今大名開元寺佛殿上有一石局亦唐時物也老學庵筆記言大名龍興寺有魏宮玉石彈碁局上有黃初中刻字政和中取入禁中李商隱詩曰玉作彈碁局中心最不平謂其中高也白樂天詩曰彈碁局上事最妙是長斜長斜謂抹角斜彈一發過半局今譜中具有此法柳子厚叙碁用二十四碁者卽此戲也漢書注云兩人對局白黑子各六枚與子厚所記小異如奕碁古說略

卷之二十四

七

局用十七道合二百八十九道黑白碁各百五十亦與後世法不同也又按世說云彈碁始自魏宮內裝器戲也文帝於此伎亦特妙用手巾拂之無不中有客自云能帝使爲之客著葛巾拂碁妙踰於帝與雜記所記不同按丁廙賦云粉石霧散六師列陳跡行五首左右相親成列告誓三令五申事中軍政言合禮文號令旣通兵碁啓路運若迴飈疾似飛兔前中却儻買其餘怒風馳火燎令牟取五與前說互相發明然其制竟不可考定也又梁元帝謝東宮賚彈碁



局啓云蓮花未易玉屑不工緣邊之法庶遵細柳之陣徘徊之勢方希明月之樓此又似言其形勢

四維戲者衛尉摯侯所造也畫紙爲局截木爲碁收象元一分而爲二立太極之正統班五常之列位剛柔異而作配趨舍同而從類或盤紆詰曲連延絡繹或間不容髮舍碁則獲圍成未合驕碁先出九道並列專都獨畢見東晉李尤賦又有夾食二人黃黑各七十碁橫列于前第四道上甲乙迭推二碁夾一爲食見藝經又惰悶先悶其位以十二時相從文曰同

說略

卷之二十四

八

有文章虎不如龍豕者何爲未如兔宮王孫盡分乃造黃鍾犬往兢馬非類相從羊奔蛇穴牛入鷄籠亦見藝經又儒碁後魏侍中游藝肇性謙不兢造儒碁其法知一禮二仁三義四信五信下白黑半方五分長寸善六敬七德八忠九順十方局尺五周道四寸其用三十六四維之道通而碁謙退爲上見後魏書格五吾丘壽王以格五召待詔孟康曰乘五閣不得故曰格五也見漢書象戲周武帝造見藝文類聚蹙融局取一道人行五碁見資暇錄

按後魏李郡序洛陽丘阿奴工握槊蓋胡中之戲胡  
王有弟遇罪將殺之弟從獄中爲此戲以上之意言  
孤則易死亦似曹子建所作之義或謂之雙陸卽今  
之胡雙陸也宣武以後大盛於時又齊武成皇后與  
和士開握槊爾朱世隆與宋山攜握槊忽聞欻然嘆  
聲一局盡倒

古今藝術圖云北方戎狄愛習輕趨之能每至寒食  
時爲之中國女子學之乃以綵繩懸樓上架謂之鞦  
韆

說略

卷之二十四

九

三百廿二

鼓舞木熙見淮南子水嬉見琴操角觝武帝作見漢  
書意錢見後漢梁統傳拔河小兒拽索對挽之見金  
坡遺事唐梯弄梯戲也見宛委編繩技見劔俠傳  
唐人詩中往往有紀當時戲劇如弄鉢頭張祐詩曰  
兩邊角子羊門裏猶學容兒弄鉢頭長竿張祐詩曰  
傾城人看長竿出一技初成趙解愁劉晏詩惟有長  
竿妙入神椀舞張祐詩曰揭手便拈金椀舞上皇驚  
笑悖拏兒熱戲祐詩熱戲爭心劇火燒銅槌暗執不  
相饒弄老人顧況詩此生不復爲年少今日從他弄

老人弄卻翁伯盧綸詩何須更看卻翁伯卽我此身  
如此人簸錢王建詩暫向玉花階上坐簸錢贏得兩  
三籌官基建詩官基布局不依經黑白分明子數停  
巡收張籍詩趁行移手巡收盡數數看誰得最多弄  
參軍薛能詩此日楊花初似雪女兒弦管弄參軍弄  
化生能詩芙蓉殿上中元日水拍銀盆弄化生弄猢  
猻羅隱詩何如買取猢猻弄一笑君王便著緋  
辛氏三秦記曰漢昭帝母藏弋手拳而有國色武帝  
寵之藏鈎此始也

說略

卷之二十四

十

三百廿一

荆楚記有端午四民鬪百草之言劉禹錫詩曰若共  
吳王鬪百草不如應是欠西施則知起於吳王與西  
施也

尚書故實云京國街陌中有以二刺蝟對打令者旣  
合節奏又中章程

龜背戲柳子厚詩云玉盤滴瀝黃金錢皎如文龜麗  
秋天八方定位開神卦六甲離離齊上下投變轉動  
玄機卑星流霞破相參差四分五裂勢未已出有入  
無誰能知乍驚散漫無處所須臾羅列已如故據詩

似博碁之類狀如龜背因以爲名也

今人以雙陸子壘高爲勝王建宮詞有云分明閑坐  
賭櫻桃休却投壺玉腕勞各把沉香雙陸子局中鬪  
壘阿誰高知此戲從來久矣

郝冲上官儀虞譚法各有投壺經張承賦有投壺圖  
卜恕有投壺新律司馬光有投壺新格王趨有投壺  
禮格劉仁敏有傾壺集徐泓王子冲沈敞及晉趙王  
舍人馬朗各有碁勢梁武有碁評柳惲有天監碁品  
范汪有圍碁九品序錄韋瑱有碁圖有奕碁經有碁

說略

卷之二十四

十一

三百五二

經要略劉仲甫有忘憂集張學士有碁經唐績有碁  
圖徐鉉有碁圖義例有碁勢楊希璨有四聲角圖宋  
太宗有碁圖邵綱有博塞經魏文帝有皇博經鮑宏  
有小博經隋煬帝有二儀博經呂才有大博經董叔  
經有博經周武帝王褒何妥有象經王裕有注象經  
尹洙晁補之有象戲格司馬光有古局象棋圖盧還  
京有樗蒲經王子京有樗蒲經唐李翱有五木經梁  
冀有彈碁經魏丁廙有彈碁賦徐廣有彈碁譜張東  
之有彈碁經王子京有彈碁圖有雙陸格張直佐有

打毬儀注查同章有打毬要略唐李邵有骰子彩選  
格宋劉蒙叟有彩選格有尋仙彩選楊億有文班彩  
選格趙明遠有皇宋進士彩選尹洙張訪有宋朝文  
武彩選王慎修有宣和彩選洪濛子有選仙格又有  
選佛圖僞唐李後主妃周氏有擊蒙小葉子格有偏  
金葉子格有小葉子例劉蒙叟有葉子格謝景初宋  
廸有打馬格李易安有打馬圖朱河有除紅譜顧箬  
溪有牌譜袁太冲有胸陣篇通志又有趙昌言捉臥  
甕人格曹氏樗蒲滿席歡又有旋基格謀戲格釣鰲  
說略

卷之二十四

十二

圖採珠局格金龍戲格玉燭詩款飲集改令式盡歡  
格角力記

古有戲爲名者蒼鷹郅都也乳虎甯成也香尉漢雍  
仲也井底蛙公孫述也大耳兒呂布謂漢昭烈也伏  
鸞鄧艾也隱鵠陸雲也癡虎魏許楮也髯參軍短主  
簿郅超王詢也十錢主簿元慶也驚蛻蝶魏收也妳  
母何承天也齷奴宋武帝也筆公尖頭奴魏杜弼也  
黃頷小兒崔陵謂齊文襄也入鐵主簿長鬣公又齊  
鬚公魏許惇也癩兒刺史後魏瀛州刺史崔暹也餓

彪將軍魏元暉也饑鷹侍中魏盧和也被賅刺史宋益州刺史垣閔也黑面僕射元魏元欽也赤牛中尉元魏元仲景也瞎虎魏谷楷也臥虎魏李崇也黃瓢少師桃弓僕射齊郭祚也細眼奴文中子謂房玄齡也羊鼻公唐魏徵也鬼婆武后也人猫李義府也喜鵲竇申也斗酒學士唐待詔門下省王績也銅山大賊李義府也呷酸節度使唐李景略也捉船使君唐末橫州刺史郭氏也四明遂老賀知章也多田翁盧從愿也肉腰刀李林甫也又索鬪雞亦李林甫也紫

說略

卷之二十四

三

袍主事唐韋君素也不利市秀才唐相國夏侯孜也偽荆卿唐甄戈任俠也酒可郎唐節度使王詔鼎也補脣先生方干也醉部落唐倪若水也地藏菩薩唐史思明呼李光弼也人頭羅刹唐御史李全交也亦號鬼面夜叉沒字碑唐趙崇也伏獵侍郎唐戶部侍郎蕭靈也侏儒郎中唐兵部侍郎常慎也金牛御史嚴昇期也四其御史唐鄭洪霸也斲窻舍人唐楊焯也縮菘御史唐御史侯思正也美唐博士唐楊燦也判詩博士王仁谷也伴食宰相盧懷慎也癡宰相楊

再思也栒木枕措大唐仇士良謂學士崔慎由也驅  
驢宰相王及善也盲宰相關播也足穀翁唐相韋宙  
也麻膏宰相崔胤也粥飯僧五代李愚爲宰相無所  
事事也僂鑼兒漢劉銖謂李業也曲子相公晉和凝  
也軟餅中丞蜀韋轍也風月主人蜀歐陽彬也酒囊  
飯袋五代馬氏子也邊和尚南唐邊鎬也瘦相王欽  
若也鶴相丁謂也媪相童貫也三旨宰相王珪也猢  
猻待制王黼子閔孚也九子母夫錢穆父也風流骸  
骨王梅運句也浪子宰相李邦彥也

說略

卷之二十四

十四

李守素尤精譜學人號肉譜虞世南改爲人物志婁  
師德長大而貌異於衆又病足張元一目爲失轍方  
相又曰衛靈公言衛護靈柩亦方相也唐楊炯每呼  
朝士爲麒麟植或問之曰今假弄麒麟者必修飾其  
形覆之驢上宛然異物及去其皮還是驢耳無德而  
朱紫何以異是魏光乘好題目人姚元之長大行且  
速號趁蛇鵠王旭短而黑醜號烟薰木根楊仲嗣躁  
急號執鋏上猢猻張元一目蘇味道爲九月得霜鴈  
王方慶如十月被凍蠅又張鷟號青錢學士以其萬

選萬中時有明經董萬舉九上不第號白蠟明經蔣  
凝侍郎亦有人物時號水月觀音唐陸慎言妻慎言  
宰尉氏政不在己吏民語曰胭脂虎宋哲宗朝謝悰  
試賢良方正賜進士出身悰謝免云勅命未敢祇受  
乃以抵爲祇以授爲受劉安世奏曰唐有伏獵侍郎  
今有抵授賢良又荊州每歲解舉人多不成名號天  
荒解劉蛻以荊解及第後號破天荒又楊存中人號  
爲髯鬮以其多髯而好逢迎也

袁利見爲性頑獷方棠謂袁生已封三鹿郡公見幽  
說略

卷之二十四

十五

燕記

唐末喬子曠詩喜用僻事人號狐穴詩人

唐賈忠言撰御史本草以裏行爲合口椒最有毒監  
察爲開口椒毒微歇殿中爲蘿蔔侍御史爲脆梨漸  
有佳味

石晉復主詞以天爲碧翁翁見清異錄

散樂謂天爲崖公見教坊記

隋煬帝常泛舟忽陰風頗緊歎曰此風可謂跋扈將

軍



汴老圃紀生一鋤芘三十口病篤呼子孫戒曰此二十畝地便是青銅海也

金樓子有士人把書卽睡梁人因呼爲黃奴

孫樵謂史書曰墨兵見羣玉集

時戢爲青陽永潔已勤民肉味不知日市豆腐數個  
邑人呼豆腐爲小宰羊

唐陳喬蒸脆曰此糟糠氏面目殊垂而風味不淺

當塗一種酒麴皆發散藥見風卽消旣不久醉又無  
腹滯之患人號曰快活湯士大夫呼爲君子觴

說略

卷之二十四

十六

號國夫人懸鹿腸於梁上注酒腸中結其端欲飲則  
解開注于盃中號聖酒將軍見酒中玄

世說桓溫主簿善別酒好者爲青州從事惡者爲平  
原督郵青州齊郡謂到臍下平原有葦縣言在鬲上  
住也

劉跋字斯立命酒爲玉友仍爲作傳

王世充僭號謂羣臣曰萬幾殷繁所以輔朕和氣者  
唯酒功宜封天祿大夫

唐穆宗臨芳殿賞櫻桃進西涼州蒲桃酒帝曰飲此

頓覺四體醇和真太平君子

唐末馮翊城外酒家門上書有含春王三字酒也

彭城王勰呼茗爲酪奴

湯悅有森伯頌蓋茶也

胡嶠飲茶詩中聯云沾牙舊姓餘甘氏破睡當封不  
夜侯

孫樵送茶與人書云晚甘侯十五人遣侍齋閣

拊掌錄宋熙寧後茶禁日嚴人目茶爲草大蟲

宣室志上于芙蓉園獲晉時宜春苑中白鹿角際有

說略

卷之二十四

十七

銅牌字之曰山客

北史齊後主以馬爲逍遙郡君

吉祥座杜重威馬也肉胡床景延廣馬也

五代劉旻呼黃騮馬爲自在將軍

哥舒翰馬曰赤將軍見馬癖記

宋袁淑俳諧集有廬山公九錫文指驢也

天成中以牛者耕之本殺禁甚嚴有盜私販不敢顯

其名宛稱曰革餌亦猶李甘家號甘子爲金輪觀又

楊虞卿家號魚爲水花羊陸象先家號象爲鈍公子

李栖筠家號犀爲獨笋牛又石虎時號虎爲黃猛朱  
全忠時號鐘爲太聖銅俱以避諱故也

倦游錄廣南人食鼠謂之家鹿

唐末劉訓賞花繫水牛數百在前指曰此劉氏黑牡  
丹也

三國典略齊高緯以波斯狗爲赤虎儀同

唐拱州有人畜豬致富號豬爲烏金見朝野僉載

唐昭宗賜弄猴號孫供奉

東坡詩謂猿爲黑衣郎

說略

卷之二十四

十八

高緯號鷹爲凌霄郡君

詩疏謂鶴爲皂君

漢武外紀廣南進白鸚鵡呼爲雪衣女

茅君傳稱鶴爲九轉還丹使

方言鷓一名女匠

樹萱錄呼鷺爲碧繼翁東坡呼鷺爲雪衣兒

李昉謂鶴爲仙客鸚鵡爲隴客白鸚爲閑客鷺爲雪

客孔雀爲南客

僧家謂鷄爲鑽籬菜

唐御史臺記張昌宗族叔爲太學博士畜一雞呼爲勃公子

禮部郎康凝畏妻有聲妻嘗病求烏鴉作藥而積雪未消難以網捕妻大怒欲加捶楚凝畏懼涉泥出郊用粒引致之僅獲一枚同省劉尚賢戲之曰聖人以鳳凰來儀爲瑞君獲此免禍可謂黑鳳凰矣

御史符昭遠常曰鴨頗類乎鵝但足短耳宜謂減足鵝

雀多在殿閣鴟尾及人家屋獸窠故或有呼瓦亭仙說略

卷之二十四

十九

者  
李正已被囚執夢云青雀卽報喜也是旦果有羣雀啁啾色皆青蒼至今李族居淄青者呼雀爲青喜  
章貢小蒙川蘇氏山林中多鳩賓客滿坐悉饜飫一網數十百咄嗟可具故其黨戲之曰此君家肉寄生也

雉一名九苞奴謂其有文無德真鳳凰之奴隸耳然雉何言無德其性耿介處不溷域

開元遺事明皇宮中養鷓號曰半天嬌

天寶遺事申王有高麗赤鷹岐王有北山黃鶻上甚  
愛之每獵置于駕前帝目之爲決雲兒

明皇封鸚鵡爲綠衣使者

陶穀曰膾肭臍不可常得野雀久食積功固亦峻緊  
蓋家常膾肭臍

鄭遨隱居有高士問何以閱日對曰不注目於婆娑  
兒卽側耳於鼓吹長謂玩鷗而聽蛙也

臨川李善寧之子十歲能卽席賦詩親友嘗以貧家  
壁試之略不構思吟曰椒氣從何得燈光鑿處分拖  
說略

卷之二四

三

涎來藻飾惟有篆愁君指蝸牛也

本草綱目謂樗雞爲紅娘子蕪青爲青娘子蠅娘爲  
夜遊將軍

溫庭筠嘗得一句云蜜官金翼使久之又聯其下曰  
花賊玉腰奴道蜂蝶也

酉陽雜俎謂蜂爲孔昇翁

國憲家猷謂鰲曰裙欄大夫烏衣開國侯

唐故宮池中有一六目龜或出曝背人見其甲上有  
刻字微金曰平福公卜君靈

雲仙雜記謂龜曰先知君

京洛白鱔甚佳烹治罕有得法者周寺人楊承祿造脫骨獨爲魁冠禁中時亦宣索承祿進之文其名曰輓燈雪八龍

抱朴子謂蟹爲無腸公子

僧家謂魚爲水梭花

梁韋琳作鮪表曰伏覲除書以臣爲糝缶將軍油蒸校尉臞州刺史

蒜五代中呼麝香草

說略

卷之二十四

三

杜顛不可無非人惡其噉候其僕市還潛取棄之怒罵曰奴狗安得去此束金也

貧家以蔬茹爲纏齒羊

孫公談圃謂芡爲水硫黃

東坡詩謂筍爲玉版師

樊宗師園記謂栢曰蒼官竹曰青士

張敏叔祠部有名花十客姚伯聲得三十客牡丹爲貴客梅爲清客蘭爲幽客桃爲妖客杏爲豔客蓮爲

溪客木犀爲岩客海棠爲蜀客躑躅爲山客梨爲澹

客瑞香爲閨客菊爲壽客木芙蓉爲醉客酴醾爲才  
客臘梅爲寒客瓊花爲仙客素馨爲韻客丁香爲情  
客葵爲忠客含笑爲佞客楊花爲狂客玫瑰爲刺客  
月季爲痴客木槿爲時客安石榴爲村客鼓子花爲  
田客棣棠爲俗客曼陀羅爲惡客孤燈爲窮客棠梨  
爲鬼客

江南以蘭爲香祖

女紅餘志南華封蘭爲世愛君竹爲戶牖君梅爲寄

春君

說略

卷之二十四

二十一

懷素居零陵庵東郊植芭蕉根帶幾萬取葉代紙而  
書號其所曰綠天庵

方鎔隱天門山以櫻櫚葉拂書號曰無塵子見高士

春秋

國憲家猷謂蘆爲蕭寒郡假節侯

酉陽雜俎謂蓮爲湖日

蔡君謨詩以荔枝爲絳衣仙子

天寶年內中柑樹結實帝日與貴妃賞玩呼爲瑞聖

奴

建業園丁種枇杷者矜其色曰螭兒種梨者詫其味曰蜜父

後唐苑中環桃實特異莊宗曰昔人以橘爲千頭木奴此不爲餘甘尉乎

陸展郎中見楊梅歎是日精見常奉真湘潭記

清泠真君外訣枸杞號爲三清蔓其苗爲換骨菜

吳茱萸艾葉川椒杜仲乾木瓜木鱉肉瓦上松花扈信之名曰鍊骨湯仙家謂之水炙

仙書以茱萸爲辟邪翁菊花爲延壽客

說略

卷之二十四

二十三

椒又名扁鵲鈴蜀產者上葉爲木故青皮屬火故赤花應土故黃膜垂金故白子附水故黑五行全足草中大丹服餌家重之

海錄云天狗人參也天猪菖蒲也天牛雌黃也天羊雄黃也天鼠防風也日精雲母也地髓地黃也道人頭蒼耳也秋子茱萸也山精朮也兔縷兔絲子也史系云胡王使者羗活也小說市語國老甘草也西陽雜俎丹山魂雄黃也青要女空青也

清異錄云苾芻清本良於醫藥數百品各以角貼所



題名字詭異其源出于天成中進士侯寧極戲造藥

譜一卷盡出新意改立別名假君子牽牛昌明童子川

頭淡伯厚朴木叔胡椒雪眉同氣白扁豆含丸使者椒馘毒烏

仙預知子貴老陳皮遠秀卿沉香化米先生神麴九日三官吳菜

黃酸叟硫黃三閭小玉白芷中黃節士麻黃時美中蒟蒻導河蔣蘿

掾木猪嗽神五味子曲方氏防風削腎中尉三稜白天一作都

壽洞庭奴隸枳殼黃英石檀香綠劍真人芎藭魏去疾阿魏

禹孫澤瀉橐籥尊師仙靈脾風稜御史史君雪如來白蔗風

味團頭縮砂郝肺侯款冬花骨鯁元君華解苦督郵黃芩調睡黃芩

說略 卷之二十四 二十四

叅軍酸棗仁黑司命從容知微老白薇太清尊者朴既濟公確

升麻泠翠金剛石南葉脫桃嬰兒桃仁澀翁訶梨勒抱靈居士梨

子香附隨湯給事中甘遂斜枝大夫草龍膽野父白頭翁建陽翁

八座蛇床子玄房仲長統皂莢藁生藥王覆盆子仁棗川棟子

石仲寧滑石命門錄事安息香隱上座郁李仁水狀元紫蘇飛蘇

風道者牙硝帝膏蘇合香畢和尚畢燈金山力士自然硝麝蘇

男甘松水喉尉薄荷草東牀大腹皮腎曹都尉葫蘆壽祖威靈

仙玲瓏霍去病藿香干眼油麩延年卷雪桑皮水銀腊靈

粉輕黃香影子梔子六亭劑五味子顯明犯阿膠出樣珊瑚木通

中央粉

蒲黃

瘡帚

何首烏

支解香

丁香

洗瘡丹

檳榔

海脂

麒麟竭

水磨橄欖

金鈴子

無名印

地榆

無憂扇

枇杷葉

鬼木串

槐角

黑

煞星

夜明砂

續命筒

乾漆

蠻龍古血

沒藥

羽化魁

五加皮

清涼

種度厄錢

香薷

湯主

連翹

聖龍鬆

瞿麥

翻胃木

常山

醒心

杖玉皇瓜

遠志

偷密珊瑚

馬兜鈴

德兒

甘草

混沌螟蛉

杏仁

正坐

永嘉聖脯

乾薑

紅心石

赤石脂

藥本

五靈脂

靜風尾

荊芥

正坐

丹砂

附子

迎陽子

兔絲子

山屠

黃蘗

脾家瑞氣

肉苳菹

甜面淳

于剔骨香

蜜陀僧

痰官劈歷

青皮

玉虛飯

半夏

鎖眉根

龍腦

甜面淳

黑龍衣

鱉甲

小帝青

青鹽

百辣雲

生姜

縷帶米

麥蘗

半夏精

說略

星黃

夜金

雄黃

沙田髓

黃精

無聲虎

大黃

小昌明

草烏頭

巢烟九助

烏梅

百子堂

草果子

皺面還丹

人參

琥珀孫

松脂

賊

參不死麵

薺菜

火泉

竹瀝

比目

烏藥

沉香

陸續丸

陸續丸

地白

瓜蒌根

天豆

破故紙

滴膽芝

黃連

新羅白肉

白附子

廋香

嬌破關符

丁黃

玉絲皮

杜仲

血櫃

一作王孫友

血櫃

牡丹皮

川元

蠶

黃耆

九女春

度耳

百藥綿

黃耆

英華庫

益智

通天柱杖

膝赤天佩

牛膝

丹田霖雨

巴戟

百丈鬚

石斛

飛天蓋

旋復花

安

神隊杖

冬麥門冬

鄆芝

天麻

錦繡根

芍藥

草魚目

薏苡仁

茅君寶

篋尉陀生

蒼朮

鍊形松子

栝子仁

蘆頭豹子

柴胡

丑寶

黃牛

黃牛

卷之二十四

肚裏屏風

艾

九畹菜

澤蘭

女二天

當歸

天通綠

木香

旱水晶

鵬歸

還元大品

地黃

兩平章

羌活

死水

白僵

一寸樓臺

蜂窠

三

尺籙

枸杞

無情手

砂

拔萃團

麝香

綠鬚姜

細辛

笑靨金

菊花

走

根梅

乾葛

八月珠

苗香

銀條德星

山藥

埋光烏藥

良姜

樞聖

畢撥

破軍殺

大戟

吉祥杵

桔梗

金母蛻

鬱金

線子檀

芽香

良醫七首

產家大器

秦芫

滴金卵

延胡索

鬼丹

芎藭

宜州樣子

白芷

蕊

瓦壠班

貝母

孝梗

知母

萬金茸

紫苑

秦尖

蒺藜

西天蔓

臣

卷栢

五福嚮

白斂

保生藁

藁本

狻奴

狗脊

蒜腦諸

百合

備身弩

花

說略

卷之二十四

二十六

郗詵射策第一再拜其筆曰龍須友使我至此見龍

須志

又嵩封筆爲管城侯墨爲松滋侯楮爲好時侯研爲

卽墨侯

薛稷爲筆封九錫拜墨曹都統黑水郡王兼毛州刺

史爲墨封九錫拜爲燕督護玄香太守兼亳州諸郡

平章事又爲紙封九錫拜楮國公白州刺史統領萬

字軍界道中郎將又爲研封九錫拜離石鄉侯使持

節卽墨軍事長史兼鐵面尚書見雲仙雜記

開元中後宮繁衆侍御寢者難於取捨爲彩眉兒以定之集宮嬪用骰子擲最勝一人乃得專夜宦璫私號骰子爲剝象婢人

拊掌錄奕者多廢事故人目棋枰爲木野狐

溺曰房中弱水見於道書溺器曰夜瀦見清異錄光濟叟燭也握君如意也火寸取燈也見清異錄歐陽通善飾文房命貝光曰發光地菩薩界尺曰由準氏筆曰畦宗郎君裁刀曰治書奴

司空說鏡爲容成侯又曰壽光侯見物名要覽

說略

卷之二十四

二十七

韓退之革華傳以靴爲下邳侯

王僧虔惡白髮一日對客左右進銅鑷僧虔曰却老先生至矣見南康記



